

## 春夏秋冬

嬰仔乖 嬰仔睏

媽媽抱 媽媽惜

咱來去 tshit-thô 看鴟鴞

鴟鴞飛懸懸 阿母望你緊大漢

教你春夏秋冬的變幻

恁你去看世界是啥款

三月春雨白茫茫

杜鵑泣血(khip-hiat)<sup>1</sup>滿山紅

青笛仔(tshing-tî-á)<sup>2</sup>早啼真迷人

五日節<sup>3</sup>過日頭焱

樹頂蟬仔 sinn-suāinn 吼

田蛤仔 kóp-kóp 佇水溝

八月中秋月光暝

九月風吹飛上天

管芒花開柚仔甜

---

<sup>1</sup>在山上遍尋不著弟弟的兄長，化做杜鵑鳥，傷心哀泣，直到哭出血淚，眼睛流出鮮血，滴在山野，成為杜鵑花；台灣亦稱杜鵑花為“滿山紅”。

<sup>2</sup>綠繡眼，台灣鄉間稱作“青笛仔”，鳴聲清脆悅耳，清晨時常在居家窗口向人問早。

<sup>3</sup>即端午節。

臘月霜降冷吱吱

囡仔咧耍番仔火枝

阿媽挨糶攢過年

春夏秋冬輪(lûn)一年

嬰仔乖乖睏歸暝